

Svjetski dan ptica selica

8. oktobar 2022. godine

Dok gledamo ptice kako slobodno lete na nebu, možemo reći da su one najčešći simbol slobode. Nažalost, ova vizija je daleko od stvarnosti. Njihova sloboda i njihovi životi su ugroženi. Populacije ptica se naglo smanjuju, a njihova staništa su u opasnosti, što samim tim dovodi u opasnost i život na Zemlji. Upravo zbog navedenog, Skupština Ujedinjenih naroda je odabrala svaku drugu subotu u mjesecu maju i oktobru za obilježavanje Svjetskog dana ptica selica. Stoga, ove godine ovaj bitan međunarodni dan se održava 7. Maja i 8. Oktobra.

Ptice imaju važnu ulogu u funkcionisanju svih ekosistema na svijetu – ekosistema o kojima čovjek ovisi. Ne samo da ptice doprinose u kruženju tvari i formiranju zemljišta, također imaju značajnu ulogu u oprašivanju biljaka, prenošenju sjemena, kontroliranju štetočina i transformiranju krajolika. Ove godine osnovna tema Svjetskog dana ptica selica je svjetlosno zagađenje ili umjetno svjetlo, koje predstavlja veliku opasnost za ptice selice.



Svjetski dan **PTICA SELICA**

8. OKTOBAR 2022.



Navedeno zagađenje uzrokuje gubitak orijentacije prilikom noćnog letenja što dovodi do sudara sa zgradama, ali i do prepreka i ometanja za sprovođenje daljinskih migracija. Mnoge vrste ptica lete tokom noći kako bi povećale vjerovatnoću njihovog opstanka, jer tokom noći su temperature niže i manje je predatora. Bez obzira na prednosti noćnog leta, ipak zagađenje svjetlosti utiču na prirodne obarsce, te uzrokuje smrt ptica, pri čemu se milion ptica usmrti svake godine. Problematiku ovog tipa zagađenja je neophodno riješiti, jer se više ne može dopustiti da veliki broj ptica uginu zbog navedenog zagađenja. Stoga se mora urgentno reagovati kako bi se zaštitile ptice tokom seobe. To se može riješiti pomoću određenog povezivanja zaštićenih područja, koristeći razvijene smjernice najboljih praksa prema Konvenciji migratornih vrsta, kao i međunarodnih značajnih područja za ptice – IBA (*Important Bird*

Areas). Pored navednog, neophodno je i upoznati politiku koja potiče održivo smanjenje emisije svjetlosti prilikom migratornog perioda. Također je neophodno uvesti i oznaku „tamno nebo“ koja može pružiti mnoge prednosti prilikom seobe ptica. Ovakve oznake štite područja koja su posvećena zaštiti i očuvanja noći, te smanjenju ili eliminacije svjetlosnog zagađenja u svim oblicima.

Biljke i životnje ovise o ciklusu dana i noći planete Zemlje, te njihovo ponašanje i obrasci ponašanja su prilagođeni smjeni dana i noći. Zaštita tame je ključna za ekološki integritet, jer omogućava zdraviji okoliš, zdravije populacije i doprinose zdravijoj ekonomiji.

Da bi se navedeno ostvarilo, potrebno je djelovati na svim nivoima, od lokalnog do globalnog. Ove godine se održava 15. sastanak konferencije stranaka (COP 15) u Montrealu u Kanadi, koja je idealno mjesto za inicijativu i pokretanje rješavanja ove problematike. Stoga, Svjetski dan ptica selica nije običan dan, nego je dan kada se pozivaju svi građani podjednako da reaguju, ne samo sa ciljem poboljšanja situacije sa pticama, nego i kako bi svi zajedno stvorili zdraviju planetu, kao i poboljšali zdravlje ljudi i zdravlje budućih generacije, jer svi ovisimo jedni o drugima. Stoga, ovo je dan i prilika da ugasite svjetla za ptice selice koje lete noću, kako bi se slobodno kretala na nebu sa mjesecom i zvjezdama.